



КОМСОМОЛОНЬ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ИЮНТЬ
26-це шистонза
1941 кизоня
71(1867)
Питнец 10 тр.

Макстама сокрушительной отпор фашистский варвархненди!

Фашистский Германиясь атак учт тивь нападения минь лангзонк, вероломна нарушандамок эсь мархтонза подписанай ненападениянь колга пактть. Синценъ обычный воронь манераснон коряс фашистский разбойниченъ войнаь атак аст яцест минь моданьконь ланге. Минь ашель мялсонк тя войнаь, тейнек навязали сонъ. Тяни корхтамась моли сянъ колга, штоба тапаме подлай фашистский гадинаь, конац посмел кеподеме эсь веры лапанц минь свободнай эрафоньконь ланге, минь отечественьконь целостностенц и независимостенц ланге. Тяни корхтамась моли сянъ колга, штоба могучай Советский государствать сембе виинц мархта тиеме сокрушительной удар агрессорти.

1941 кизонь 22-це июньта радио вельде эсь речсонза Молотов ялгась марьгсь:

«Тя войнать навязал тейнек аф германский народъ, аф германский рабочайхне, крестьятне и интеллигенциясь, конатненъ страданияснон минь цебарьста содасась, а Германиять кроважайнай фашистский правителенъ кликац, конат поработили французенъ, чехенъ, полякненъ, серпенъ, Норвегиять, Бельгиять, Даниять, Голландиять, Грециять и лия нароттненъ».

Зазнавшай Гитлерсь и сембе сонъ кровавай кликац нийсась тевса, конашкава сплоченай и единой великай 200-миллионнай советский народъ, конашкава оцю ненависть подлай врагги палы народъ седисонза, конашкава кеме СССР-нь трудящайхненъ кядьсна, кона вооруженнай инь цебарь современной оружияса.

Марнек минь великай странаньконь эзга—Тихай океанть эзда сявомок Карпатский паняттненди модемс—этакъ митингонъ волна, конатненъ эса фкя мялса примсевичть решеният—тапамс коварнай врагъ, панемс суваф германский ордатненъ минь священнай родинаньконь пределонзон эзда и тапамс синь.

Донецкий шахтерсь, врубовой машинанъ машинистсь Терехин ялгась митинга, азондомок сембе горнякненъ мялсон, марьгсь:

«Минь седивакса потрясенайхтяма и возмущенайхтяма гитлеровский сворать эзда наглай бандиттненъ вероломстваснон мархта. Советский Союзсь пшкоть-кшвезенъ эсь обязательстванзон ненападениять колга договорть коряс, кона тифоль Советский Союзть и Германиять эткса. Гитлеровский правительствась не мог азомс тейнек кодамовок претевзият. Сембе сяка фашистский пинетне тисть нападения минь мирнай ошеньконь ланге. Тейнек навязали войнать. Сембе ответственность сонъ инксонза кандсась фашистский правительхне. Минь аноктама войнати. Лама миллионнай советский народъ кеподи, кода фкя, отечественнай войнати и эсь пак ви ударсонза тапасыне и люпш-тасыне инь гнуснай веры пинетненъ, войнаь фашистский поджигательхненъ».

Тя вайгяльсь аф аныек горнякненъ—тя вайгяльсь марнек лама миллионнай советский народъ. Да, минь сембе, кода фкя ломань, кеподтяма эсь родинаньконь, эсь свободаньконь аралама. Тя воистину отечественнай война, конанъ пингста минь отчизнаньконь гражданонзон сембе арьсемасна и мялсна шарффт фкя цельти—тапамс и машфтомс наглай врагъ.

Советский народъ верондай решительнай и окончательнай победати кровавай фашизмать лангса. Гитлеров-

ский кликась видесь варма, а сяви буря.

Краснай Армиясь, кона ви эсь первокласнай военной техниканц, великай советский народъ мархта эсь кровнай сотксонц, эсь боезонзон мужествоснон, эсь славнай боевой традицияснон мархта, сон тапасыне фашистский разбойникненъ.

Минь родинаньконди сашендовсь ни тюремс воинствующай германизмать каршес. Нинге минь государственностеньконь ушedomстонза немецкий рыцарьхне бразь фатимс северо-западнай Русьть, но синь педа-пес тапазенъ. Александр Невский и подлай пинетненъ—рыцарьхненъ ловажасна вельх-тязь Чудский озерать эйиц. Минь народоньке мяляфты аф кржа гроза эсь пряиц вельксса. Сон мяляфты, кода 600-тэжяненъ первокласнай и ся пингть мирса инь цебарь наполеоновский армиясь тивь нападения Россиять ланге и кода аныек несколько тэжянь оборванецонди удалась воргодевомс русский рубешненъ омбокс. Наполеоновский армиясь ульсь тапаф, машффт прахотка.

И тя участь сатыне сембонъ, кинь саты смелостец кеподеме меч минь великай народоньконъ каршес, конац ви сонценъ непоколебимай мужествонц мархта, эсь энергиянц и анокинц мархта тюремс эсь священнай моданц инкса, свободать инкса, эсь отечественц честенц и славанц инкса.

А дрий сяка жа немецне ашеть ёра 1918 кизоня фатимс Украинать? Мезетянь эзда лиссь? Оккупантне синьф-тезь сядазснон украинский степненъ эса! Кемотть тэжянтъ немецкий калмот ашихть украинский модать лангса. А вдь эста минь улемс лафчепфт империалистический войнаса, калдывста вооруженайхть и калдывста снабженайхть. И сембе сяка советский народъ, конац тюрсь эсь свободанц инкса, захватчикненъ каршес тюремста няфнесь храбростень и мужествонъ чудесат.

Ся пингть эзда сявомок минь вииньке кассть пак и пак оюста. Минь ули могучай, отличнайста вооруженнай и снабженнай Краснай Армияньке и Военно-Морской Флотоньке, коват способнайхть тиеме сокрушительнай удар любовай врагги. Зарвавшай германский фашистне марса эсь итальянский друзияснон мархта, конат и тиниень войнать эса няфтезь прянон аныек эсь пораженияснон мархта, эсь кедьснон лангса кармайхть марямонза Краснай Армиять мощенц, великай советский народъ виинц и сплоченностенц. Аф лездыхть тейст аф финский белоохранецне, аф румынский бояритне.

Минь смелста ваттама опасность ланге. Минь содасась, што врагъ, конац тивь нападения минь лангзонк, виин. Минь аф арьсетама сатоме тэжда победа. Минь содасась, што фашизмать лангса, чужеземнай ордатненъ лангса победась, конат яцест минь страназонк, ули труднай и веши минь эздонк аф кржа жертва. Но минь тяфта жа содасась, што минь сяскытама. Тя сяскымати залогкс ащи народъ монолитнай спаянностенц. Левинонь—Сталинонь великай партияснон перьф, минь родной и кельгома Сталиноньконъ перьф, конанъ эсь седисост ащи лемонц мархта Краснай Армиять доблестнай воинонза аф весть якасть бое и сяскондестъ. Тя победати залогкс ащи минь великай народоньконъ мужествонц, конац марнек эсь историянц пингста аф весть фатневьсь пак лама испытанияса, конатненъ эзда сон фалу лисендсь победи-

телькс. Тя победати залогкс тяфта жа ащи и ся, што минь ширесонк честсь, правдась и справедливостсь, минь ширесонк сембе трудовой человечество симпатияц и кельгомац. Минь верондатама эсь виде тевоньконъ победанцты. Но—синь инкса, штоба сяскыкомс подлай и гнуснай фашистский отребьять сяда ёмла трудностьса, сяда кржа веровь пярдезь тейнек эряви улемс пак организованнойкс и дисциплинированнойкс.

Кажнайсь должен улемс эсь постсон за. Военнай пингть всякай работась почетнай и полезнай победать инкса. Войнать азоманц пингста сявомок ащи мирнай профессият. Марнек странась тини работой оборонанди, родинаньконъ араманцты. Победась решандакшневи аф аныек фронтса, но и тылса. Отечественаньке веши эсь гражданонзон эзда, штоба сембе алатыне и аватне, аф ваномок возрастснон ланге, марилезь сембе эсь ответственностснон государстваньконъ судьбанц инкса. Сась грознай и решительнай частсь. Тяряви цебарьста шарьхкодемс—шарьхкодемс и арьсеме, што победась ащи эсь эздонк, минь самоотверженностеньконъ эзда, минь дисциплинированностеньконъ эзда, минь трудоньконъ продуктивностенц эзда, минь организованностеньконъ эзда, минь анокиньконъ эзда максомс сембонъ сянъ инкса, штоба сатоме победа.

Кажнайсь, кие ёрай тя войнаь нап-раженной и труднай пингть нарушандамс дисциплинать, тиеме мезевок паниканъ кондыма, ся ули лувф кода враг советский государствати и сон ули таргаф ответс военнай пингонъ сембе строгость коряс—решительна и пощадфтома.

Трудса самоотверженностть минь должеттама сочетать бдительность и зоркостть мархта. Содаф, што врагъ кармай тяряфтома мумс лазейка сянъ инкса, штоба кучемс минь ширесонк эсь шпионзон и диверсантонзон. Смерть тейст! Сплоченнай и мужественнай советский народъ таргасы корянек фашистский видьмотъ! Кажнай честнай рабочайсь, колхозниксь, служащайсь должен зорка аралакшнемс эсь предприятиянц и учреждениянц. Минь родинаньконъ сембе гражданонзон оцю бдительностьсна—залог победати.

Минь границаньконъ лангса увнайхть ни орудиятне. Краснай Армиясь геро-


чески тюри гнуснай и коварнай врагъ каршес, аралакшнемок эсь моданьконъ кажнай аськолксонц, аралакшнемок эсь лама национальнай отечественаньконъ честенц и независимостенц, эсь иденьконъ, тядяньконъ, аваньконъ и сестраньконъ эряфснон, эсь трудоньконъ, эсь ошеньконъ, веленьконъ, паксяньконъ и заводоньконъ.

«Советский Союзть правительстван азонкшни кеме уверенность сянди, што минь странаньконъ марнек населениянц, сембе рабочайхне, крестьятне и интеллигенциясь, алатыне и аватне отнесутся должнай шарьхкодемаса эсь обязанностснонды, эсь трудснонды. Сембе минь народоньке тини должен улемс сплоченнай и единой, кода мзярдонга ашель. Кажнайсь минь эздонк должен вешемс эсь эздонза и лиятненъ эзда дисциплина, организованность, самоотверженность, кона достойнай настоящей советский патриотти, штоба обеспечидамс Краснай Армиять, Флотъ и авиациять сембе нуждаснон, штоба обеспечидамс победа врагъ лангса».

(Молотов ялгать выступлениянц эзда).
Васенце бойхне няфнесазь ни Краснай Армиять доблестенц и виинц. Врагъ атаканзон Краснай Армиясь успешна тапсесыне. 22-це июньта праффт 76 германский самолет, 23-це июньта—51 самолет; артиллериясь аныек Шаулийский направленияса тапась 300-шка германский танка. 22-це и 23-це июньта бойхненъ эса фатяф пленц 5 тэжяньшка германский солдат и офицер. Тяфтама противник мархта, кода Краснай Армиясь, фашистне тиниень пингть самс нинге ашеть васетькшне. Тяфта ушедсь советский народъ великай отечественнай войнац германский фашизмать каршес. Минь приветствуем героический Краснай Армияньконъ великай отечественнай войнаса сонъ васень боевой схватканзон, сонъ васенце успехонзон мархта.

Нинге сядонга теснаста пуроптама минь славнай большевистский партияньконъ перьф, минь советский правительстваньконъ перьф, минь великай вожденьконъ Сталин ялгать перьф! Видесь минь ширесонк. Врагъ ули тапаф. Победась ули минь. Германский фашистский захватчикне должетт мумс и мусазь тя войнаса эсь калмоснон.

(«Правдоть» передовой статьяц 24-це июньта. Примаф радио вельде).



«Серп и молот» металлургический завода митингсь (Моску), кона тиф СССР-нь Совнаркомъ председателенц заместителенц и Иностраннай тевонь Народнай Комиссарть В. М. Молотов ялгать выступлениядонза меле.

Фотось Е. Халдейть (ТАСС-ть фотохроникан).

Краснай Армиять главнай командованиянц сводкац 1941 кизонь 23-це июньцта

Шиньберьф противниксь ёрась виш-коптемс наступления марнек фронтть эзда Балтийский моряты эзда савомок Чернай моряты молема, путнемок эсь главнай усилиянзон Шауляйский, Каунаский, Гродненско-Волковисский, Кобринский, Владимир-Волынский, Рава-Русский и Бродский направлениянть эса, но успех ашесь сата.

Владимир-Волынский и Бродский направлениянть эса противникть сембе атаканза ульсь тапафт тейнза оцю юмафкс мархта. Шауляйский и Рава-Русский направлениянть эса противниксь, конац шобдава ячекшнесь минь территориянконди, шить омбоце пилестонза минь войсканьконь контратакас-нон мархта ульсь тапафт и ёрдаф гос-границаньконь омбокс, сяка пингть Шауляйский направления минь артиллериянтьке тапазень противникть 300-шка танканзон.

Белостокский и Брестский направле-ниянть эса противникти паяк вишке

бойда меле удалась теснандамс минь прикрытиянть частеньконь и занимае Кольноть, Ломжаты и Брестть.

Минь авиациянтьке мольтесь успеш-най бойхть, аралакшнемок войсканьнень, аэродромнень, населеннай пунктнень и военной объектнень противникть воздушнай атаканзон эзда и лездь наземнай войсканьнень контратакас-нон. Воздушнай бойхнень пингста и зенитнай артиллериясь шиньберьф минь территориянтьконь лангс прафтф противникть 51 самолетонь и фья самолетонь минь истребительнень валх-тозь Минский районца аэродромти.

22-це и 23-це июньцта минь савоме пленц 5 тяжнышка германский сол-дат и офицер.

Сяда точнай даннайхнень коряс, 22-це июньцта сембоц ульсь прафтф противникть 76 самолетонь, а аф 65, кода тя азондовсь Краснай Армиять Главнай Командованиянц сводкаса 1941 кизонь 22-це июньцта.

Советский информационный бюроть сообщенияц*)

24-це июньцта противниксь стаки-вийафнезе наступления Шауляйский, Каунаский, Гродненско-Волковисский, Кобринский, Владимир-Волынский и Бродский направленияс, васьфнемок виш сопротивлениа Краснай Армиять войсканьконь ширде.

Шауляйский направленияс против-никть сембе атаканза ульсь отбитахть и тифт тейнза оцю юмафкс. Минь мо-томеханизированнай соединенианьконь контрударнон вельде тя направленияс тапафт противникть танковой частенза и марнек машфтф мотополкоц.

Гродненско-Волковисский и Брест-Пинский направленияс молихть виш бойхть Гродноть, Кобринь, Вильноть, Каунасть инкса.

Бродский направленияс виш бойхть мольтхть крупнай танковой соедине-нияне, конатнень пингста тифт против-никти оцю поражения.

Авиациянтьке, успешна лездомок бой-са наземнай войсканьнень, тись лама разрушительнай удар противникть аэ-родромонзон и важнай военной объек-тозон лангс. Воздуха бойхнень эса авиациянтьке прафтсь противникть самолетонь.

Балтийский заливть эса военно-морской флотть корабляна ваяфсь против-никть фья подводнай лодкани.

Немецкий бомбардировщикне Румы-ниянь территорияста кафкс тиеднесь налет Севастопольть лангс. Тянди от-востонди советский бомбардировщикне колмокс бомбардировандазь Констан-цать и Сулинть. Констанцась палы.

Киевть, Минскийть, Либавать и Ри-гаты лангс немецкий бомбардировщи-кнень ширде кафтовь крда налетнень каршес отвестонди советский бомбарди-ровщикне колмонь крда бомбарди-ривандазь Данцигть, Кенигсбергть, Люб-линть, Варшавать и тисть оцю разру-шениянц военной объектнень. Нефте-базатне Варшаваса палыхть.

22-це 23-це и 24-це июньцта со-ветский авиациясь юмафсь 374 само-лёт, конатнень эзда сембода ламось ко-лафт аэродромнень эса. Сяка жа пингть эзда советский авиациясь воздуха бой-

хнень эса прафтсь 161 немецкий са-молет. Сяда башка приблизительнай даннайхнень коряс, противникть аэро-дромонзон эса тапафт аф 220-та кржа самолет.

Немецне полнихть 5—10-нь пара-шютист-диверсант связть колама совет-ский милиционеронь формаса. Минь ар-миянтьконь тылозост пуроптф истреби-тельной батальотт диверсант-пара-шютистнень машфнема. Истребительнай батальоттнень лангса руководствась путф НКВД-ть лангс.

Финляндиясь максозе эсь territori-яни германский войсканьнень и герман-ский авиациянь распоряженияс. Вов-ни 10 шит пуропневихть германский войсканьнень и германский авиациясь СССР-ть границанзон маласа ащи рай-оттнень. 23-це июньцта 6 германский самолетт, конат лихть финский territori-янь эзда, ёразь бомбардировандамс Кронштадть районци. Самолёттне ульсь паньфт. Фья самолет прафтф и савф пленц 4 немецкий офицерхт.

24-це июньцта 4 немецкий самолетт ёразь бомбардировандамс Кандалякшть районци, а Кулоярвить районца ёразь ётамс границать германский войскань-нень кой-кона частьсна. Самолёттне паньфт. Германский войсканьнень часть-сна отбитахть. Сявфт пленц немецкий солдатт.

Румыниясь марнек максозе эсь territori-яни германский войсканьнень рас-поряженияс. Румынский территориять эзда аф анычек тиеднесь немецкий авиациянь налетонза советский ошнень и войсканьнень лангс, нои марса высту-пают немецкий и румынский войсканьнень советский войсканьнень каршес. Румыно-немецкий войсканьнень Черновицать ся-воме и Прутть восточнай берягонь ся-воме лама попыткасна исть удаля. Сявфт пленц немец и румынт.

Радио вельде Черчиллень выступленияц

Лондон, 22-це июньцта. (Рейтер агентствась). 22-це июньцта радио вельде Англияти и лия странатненьдизь заявления английский премьер-министрь Черчилль.

Черчилль мьярьгсь:

— Монь ули возможностезе корхтамс тейнить тичи илять, сяс мес минь пач-кодеметяни войнать фья инь поворотнай пунктонцы. Тичи 4 частса шобдава Гитлер тись нападения и яцесь Рос-сияв. Германиясь ашесь азонкшнесь фья-вок жалоба сянть колга, што Германи-ять и СССР-ть ёткас ненападениянть колга договорсь аф пашкоткшнени. Кашендемок договорть эшкес, Герма-ниясь пуропнесь паяк оцю армият ся линияти, кона ащи Белай моряты эзда савомок Чернай моряты молема. Гер-манский военно-воздушнай вийхне и бронетанковой дивизияне валом валом и методически занцезь эсь позиция-нон. Апак шарьхкотть, войнаны апак аст, нльне ультиматумонь апак аст, русский ошнень лангс ушадеть праше-дома германский бомбат. Тифтне, ульсь тага ламода сядо оцю размерса нарушандаф подписанай договоронь и международнай добрай верань всякый формас, конанди свидетелекс минь улема Норвегиясь, Даниясь, Голланди-ясь, Бельгиясь и конатнень Гитлер шакаль Муссолиниль лезксонц вельде нарушандазень Грецияти отношенияс.

Русский народсь аралакшнесь эсь родной моданц, а сонь вожденза тер-дизь сонь тюремс до конца. Гитлерсь ащи чудовищакс, кона веши паярдемс лама вер и тиедемс разбойхть. Сон ашесь топодь сянди, што марнек Евро-пась ащи сонь пильгалонза или эвфнеф и пачтф низкай подчинениянть раз-личнай форматненьдизь, тичи сон ушадеть ётафнемонза эсь кровавай и разруши-тельной деятельности Россиять и Азиять оцю просторнон эса. СССР-ть лангс нападениясь ащи Гитлери аны-чек анокламакс сянди, штоба ёрдамс войнати 400 или 500 миллион ломань, конат эрийхть Китайсь, и 350 милли-он ломань, конат эрийхть Индиясь, ёрдамс синь человеческий деградациянть пептома пропасти, конань велькса кепотф свастика дьявольский эмбле-мац.

Черчилль азозе английский прави-тельство декларациянц сянть колга, што мекольцеть оцю решимостец маш-фтомс Гитлери и национал-социалис-тский режимть. Минь мзярдонга, мьярьгсь Черчилль, аф карматам пер-еговоронь мольтеме Гитлери мархта. Минь карматам шавомонза сонь суша-са, моряса, воздуха. Минь макстама Россияти и русский народти любовай лезкс, кодама анычек можем максомс. Минь тернесаксь сембе эсь друзьян-конь и земной шарть сембе частензон эса эсь союзниконьконь, штоба молема

тика жа кить эзга стане, кода и минь, преданнайста и кемоста до конца. Минь тиеме предложения Советский Россиять правительстванцы максомс тейнза любовай техничекый или эконо-мический лезкс, конанди минь спо-собнайхтиа и кона может тиемс поль-за тейнза. Минь карматам бомбарди-ровандамонза Германиять шить, ста-не жа кода и веть, сембе сядо оцю вийса, ёрмак сонь лангзонза сядо лама бомба и Германиясь кармай ма-рямост эрь конья сембе сядо паяк оцюста ся несчастьянень, конатнен-ди ёрдазе сон человечество.

Знаменательнай ся, што анычек исяк английский авиациясь мольтесь тюрема Франциять территориянц велькса и сяка пингть кандсь ёфси аф оцю юмафкс, а тапась 28 германский бое-вой машина воздуха французский масторт велькса. Однако, тя анычек ушеткс: сядо тов минь военно-воздуш-най вийнень операциясна кармайхть молема нинге сядонга оцю масштабса. Маластонь кот кофнень пингста минь карматам нямонза ся лезксть, конань минь получакшнесаксь Соединеннай Штатнень эзда разнообразнай военной материалса и сембодонга паяк тяжелей бомбардировщикса.

Аф тейнть корхтамс Соединеннай Штатнень действиянон колга. Но мон могу мьярьгомс, што кда Гитлер арьси, што Советский Россиять лангс сонь нападениянц хотя ба аф паякони тичи разногласия ся целити или демократи-чекый странатнень вийсвоп лафчемо-манцы, конат решили машфтомс сонь, то сон паяк васькафтови. Меколанкт, минь нинге сядонга паяк кемоктасаксь эсь мяленьконь сянди, штоба араламс человечество Гитлери. тираниянц эзда, минь вийятама, а аф лафчепта-ма эсь решимостеньконь эса и эсь ре-сурсоньконь эса. Россияв Гитлери яцемац ащи анычек ёмла попыткас сянть инкса, штоба яцемс британский острофненьдизь. Сон, кода язеви, надийай, што тя можт улема пашкотф нинге тилоть самс и што сон можт фатамс Великобританиять сядо инголе, кода Соединеннай Штатнень флотса и во-енно воздушнай вийсна могут шово-ремс тюремати. Сон надийай сянди, што сон тага можт тиемс сянть, но сядо оцю масштабса, чем тада инголе, эсь про-тивниконзон тифтень-тифтень машфто-маснон колга процессть, конац ташкава ламос удалакшнесь тейнза. Тяда меле сон кармай сатнемонза сянть, штоба подчинить Западнай Полушариять.

Вов мес Россияти опасностесь ащи тейнек опасностекс и опасностекс США-ти, стане жа, кода кажнай рус-скийть тевоц, кона тюри эсь моданц и кудонц инкса, ащи теквземной шарть любовай пильксонза свободнай ломат-неньдизь и свободнай нароттненьдизь (ТАСС).

Лондонца настроенияне

Советско-германский войнать колга сообщениянтьнень оживленнайста обсу-дакшнесазь лондонский автобуснень, трамвайхнень и кафетнень эса. Аш кодамовок сомнения сянть колга, кинь ширеса ашихть рядовой англичатнень симпатиясна. Автобуснень эзда фьять эса кядьста кядьс ётнесь иляднень газе-тать экземпляронь, конань эса оцю заго-ловка ала ульсь печатлаф военной дей-ствиянтьнень колга советский сообще-ниясь. Меколи тя газетась повесь кон-дукторть кядьс, кона оцю мяльса и кеняндез кайгиста лувсь советский успешнень колга автобусь кажнай од пассажиронцы. «Тичи,—корхтай кон-дукторсь,— Гитлерсь эсь сядазонц лангса марясы, мезе значит войнась».

Даннайхне Советский дивизиянтьнень лувкснон колга, конат могут улема арафтф германский нападениянть отра-жандам, а тифта жа Краснай авиа-циять вийнц колга даннайхне обсу-дакшневть нинге сядо паяк ожив-леннайста. Фья пехотинецсь корхтай ТАСС-ть корреспондентонцы: «Тичи немецне шарьхкодсязь, што синь эсь козя снаряжениянон мархта васьфть достойнай соперник. Тичи немецне

мольтхить тюрема стама армиянть кар-шес, кона не уступает тейст кода лувк-сонь, стане снаряжениянть ширде. Не-мецне вятихть война стама странаь каршес, кона ёфси аф похожай Фран-цияти, коса ульсь замешательства и ашель единая мяль».

Лондоненень ламосна паяк цебарькс лувондсаксь советский войсканьнень ка-честваснон. Сембе вастова можнат кулемс тяфтама замечаният: «тя войнась ащи ушетксокс Гитлери пеницы».

«Германский территориять эса совет-ский парашютистнень и транспортнай, самолетнень действиянон колга Анка-раста сообщениянтьнень мархта иляднень газетатне ётнесь кядьста кядьс сембе вастова, коса лондоненне пуромкш-несь группань-группа, например трамвайнай остановкатнень ваксса. Характернай замечаниякс ащи вов мезьс: «кда войнать эса должен улема пово-ротнай пункт, то тя моли именна тичи». Трамвайн кондукторсь, луво-мок сообщениянь советский парашю-тистнень колга, азозе таян колга ваго-новожатайти, конац мьярьгсь: «Синь машфтсаксь Гитлери».

(ТАСС).

Советский Союзти лезксонь колга Рузвельтонь заявленияц

Рейтер агентствась пачфни Вашинг-тонца радиограмма-молния, конань эса корхтави, што Рузвельт азозе Со-

ветский Россияти всякай возможнай лезксонь максомать колга.

(ТАСС).

США-са советский фонттнень лангста секвестрть валхтомац

Финансонь американский министр-ствась валхтозе США-са советский фонт-

тнень лангста секвестрть (запретть).

(ТАСС).

*) Тичнень шиста савомок военной дей-ствиянтьнень колга сообщениянтьнень максе-мост кармай советский информбюрось.

УДАРНЫЙ ТРУД - ОПЛОТ



ОБОРОННОЙ МОЩИ СССР

(Плакатета репродукция, конань ноллазе «Искусство» издательствас).
Фотомонтажсь художникъ В. Корецкийтъ.

(ТАСС-ть фотохроника).

АНОКТ РОДИНАТЬ АРАЛАМА

Эрь советский ломанть почетнай дол-
тон—улемс эрь пингоня анок, кда
тердсы родинась боевой строис. Тянь
лац шарьхкодезь Каньгуж велень сред-
няй школань ученике. 8-це, 9-це,
10-це классень эса сембонь улихть
обороннай значоксна.

Аф кунара военруксь Сенькин ял-
тась одукс примась нормат лячмемс
жоре, коса ученике няфтсь отлич-
най результатт.

Ня ученике анокт любой пингоня
етамс родинать инкса, фашистовъ през-
реивай зверень бандатненъ каршес.

Кидяйки.

Ельниковский район.

Обеспечиндасаськ врагть лангса победать

Од ломанень вожакне-комсомолецне,
марямок СССР-нь Совнаркомтъ Преде-
дателени заместителени и Иностраннай
тевонь Народнай Комиссарть В. М. Мо-
лотов ялгать радио вельде заявленини
минь странаньконъ ланге германский
захватчикненъ нападениясвон колга,
нинге сядонга олю вийса кярьмодсть
работам колхознай работатненъ эса,
няфнемок трудонь олю производи-
тельность.

Мокша Маскани велень комсомолецтъ
В. Кудашкинть бригадац замодасъ
вельф пашкоткшнесы норманц. Тянь

вельде бригадасъ пебарь качества и
нюрхьяне пингста аделае тундань
видемать и тяниень пингть олю сатфке
мархта аноклай сёронъ урядама кампа-
нияти.

Сяда тов синь сядонга кемоста кар-
майхть работам трудовой фронтса,
штоба обеспечиндаме Краснай Арми-
ять, флотть и авиациять сембе нуж-
даснон, штоба обеспечиндаме победа
врагть лангса.

А. Кудашкин.

Синдровский район.

ВЕЛЕНЬ КОМСОМОЛЕЦНЕНЪ БОЕВОЙ ЗАДАЧАСНА

Тяни, мзярда минь алянке, бра-
доньне—советский народть доблестнай
иеранза мужественнайста и храбрайста
тюрихть германский ганнибалхненъ
каршес, эрь рабочайсь, служащайсь,
социалистический паксаянъ тружениксь
должетт честнайста и добросовестнай-
ста работам эсь постосет, лездомс
минь странаньконъ вооруженнай вий-
нонзды.

Аф эрявихть юкснемс Сталин
ялгать указаниязон минь советский сем-
бе народоньконъ мобилизационнай го-
товностенъ колга. Сембе вийнконъ,
средстварьконъ должеттама максомс зар-
вавайш бандиттненъ тапамаснонды.
«Сембе минь народоньке тяни должен
улемс сплоченнай и единой, кода мзяр-
донга ашель. Кажнайсь минь эздонк
должен вешемс эсь эздонза и лиятненъ
эзда дисциплина, организованность,
самоотверженность, кона достойнай со-
ветский патриотти, штоба обеспечин-
даме Краснай Армиять, флотть и ави-
ациять сембе нуждаснон, штоба обес-
печиндаме победа врагть лангса»,—
корхтась радио вельде Молотов ялгасъ
1941-це кизоня июнь 22-це шистонза.

Краснай Армиять, флотть храбрай
воиннозон, конат аралайхть мирнай
трудть, потребностенон обеспечинда-
масна вешни 18-це партконференциять
решениязон пашкодмаснон.

7 миллиард 900 млн. пуд сёронъ полу-
тамать, технический и имевень культу-

ратненъ урожайностенон касфтомас-
нон, животноводствать эзда продуктив-
ностть кеподеманц инкса тюремась
должен улемс велень комсомолецненди,
од ломаттненди боевой задачас.

Тундань видеамс аделаф. Путф ке-
ме фундамент олю урожайнь сатомати.
Комсомольский организациатненди эря-
ви вятемс тюрема сору тишетненъ и
велень хозяйстванъ растенианъ вреди-
тельхненъ каршес, пебарьста анокламс
сёронъ урядамати, аф кадомок паксая
фкявок розь прят, эсь пингстонза паш-
кодемс государствати поставкатненъ.

Эряви тяниень пингть организован-
дамс сембе колхозникненъ сору тишет-
ненъ машфтомаснонды. Лама колхозга
корхнихть, што аф сатни рабочей
вийсь, но улике олю возможносттне
аф использовандакшневихть.

Школьникненди эряви лездомс кол-
хозненди паксаянъ работаса. Тя рабо-
тась воспитандакшни школьникненъ
эса трудовой навукт и тиендсыне
синь трудонъ кельгикс.

Школьникненъ колхозненди лезкснон
колга олю мяль эряви шарфтомс ком-
сомольский организациатненди.

Коза урожайнь получамаса олю зна-
ченияц кадрам анокламать. Тяниень
пингть ВЛКСМ-нь райкомтненди, кол-
хозонъ правлениятненди и комсомоль-
ский организациатненди эряви шарф-

томс серьезнай мяль кадрам анокла-
мать шири.

Эряви организовандам нюрхьяни
пингонъ трактористонъ курст, сембода
пашк стирнятненъ и аватненъ эзда. Эря-
вихть сембе аватненъ, конат ульсть
трактористкакс савомс меки тя работа-
ти.

Дубенский районца ульсть аноклафт
25 трактористкат-стирнят, но синь
эздост работайхть анычек 4 стирнят
трактористкакс, Торбеевский районца
15 трактористкатъ эзда работайхть
анычек 2, а лядыхне работайхть аф
специальносте коре.

Анокламс эрь тракторти тракторист-
какс стирня—тя ВЛКСМ-нь райкомт-
ненъ и комсомольский организациат-
ненъ боевой задачасна.

Штоба имафкстфтома урядамс сёрот-
ненъ, эряви тяникиге лашкас анокламс,
тиемс приспособленият сёротненъ ну-
маснонды, а мзярда ушеды нумась,
эстакиге кочкафтомс лядф розь прят-
ненъ. Олю значениясна сёротъ имафк-
стфтома урядамаса вельхтйф ригатненъ,
коса сёрось аф начки и можна тьямс
любовай погодаста.

Сембе ня сатфксне улихть эста,
мзярда колхозонъ руководителхне и
комсомольский организациатне кар-
майхть вятема работа колхознай мас-
сатненъ ёткас.

Н. Славкин.

МОР КОМДИВТЬ КОЛГА

Тага морса живогочни
Мезе ётаф ульсь.
Арды бойс герой Чапаевсь,
Мельганза кшти пульсь.
Горнай вармас савор лии,
Лийсь волнат нюряфтсь,
Якстерь полконъ батареясь
Шири тусь, юмафтсь.
Вов исатненъ ётке колоннась,
Келемсь, ваныхть лихтсь,
А дивизиононъ вятись—
Ластя сонць комдивсь.
Коволтъ фталда ковнясь савор
Пря няфтсь и юмась.
Нолси ордашкотф утёсненъ
Кяжияфтф волнась.
Петькась мадсь и метка пулят
Кучеесь вракненъ кургс.
Ранендаф Чапаевсь уи
Берегу лийть туркс.
Кирдемс пулятненъ аделамс,
Сяльде—штыкненъ тева!
Лячезь Петька ординарецъ
Пулятне лийть тейс.
Сембе, конат касондсть бойса,
Нотвихть строень—строй,
И мон эрь боеца няян
Тага од герой.

Фашистский варвархненди ответонди

Зверьке ащи фашистский варварх-
ненди ответонди Пенькокомбинатонъ ра-
бочайхне и работницатне касфнесазь
производственнай показателснон. Синь
тянь мархта пашк лездыхть Рабоче-
Крестьянский Краснай Армияти, штоба
сяда курок нардас земной шартъ лан-
гста обнаглевшай фашизмать, кона мир-
ти нолдас веронь олю шудеркст.

Прядильнай цехонъ рабочайхне и ра-
ботницатне ня шитненъ кармасть нор-
маснон пашкоткшнемост вельф. Июнь
23-це шистонза Калинина Мариясь,
Мишутинась, Букатовсь, Левинась и
лиятне нормаснон пачфтезь 113—120
проценте.

Июнь 22-це шистонза СССР-нь Сов-
наркомтъ Председателени заместителени
и Иностраннай тевоень Народнай Ко-
миссарть В. М. Молотов ялгать фаши-
стский варвархненъ вероломстваснон
колга радио вельде выступленидонза
меле кармасть олю производственнай
под'емса работам карднай цехонъ ра-
бочайхне.

Работницатне Федуллинась, Совелье-
вась, Аляксахинась, Уменовась, Летни-
ковась, Никоновась, Паркинась и лият-
не выработканъ нормаснон кармасть
пашкоткшнемост 119 процентс и сяда
ламос.

Цехненъ эзда Краснай Армиять ря-
донзонды мобилизовандаф рабочайхненъ
вастенон занязь стирнятне. Синь тяф-
та жа няфнихть олю показателхть.
Эрь ломанц лезды минь несокруши-
май Краснай Армияньконъ подвигон-
зонды.

Саранск ош.

Ульхтыма родинати вернай цъоракс

Мамолаевский средняй школань 10
классонъ ученике И. Матвеевсь, С. Ле-
щевсь, Н. Якунинъ и лиятне тонаф-
нема кизотъ аделае отличнайста то-
нафнезь.

Сембонь синь мялсна улемс Якстерь
Армияса достойнай воинкс. Тяка жа
классонъ учениксь-комсомолецъ Ку-
пяршкин Петясь макссь заявления Ле-
нинградский артиллерийский училищав.
«Якстерь Армиянь командиронъ лемсь—
почетнай лем,—корхтай Купяршкин
ялгась.—Монь олю брадозе летчик, а
монь мялезе улемс артиллеристокс. Аф
ужальдса эсь виезень, а кда эрявксты
эряфозенге родинать инкса».

И. Асташкин.

Рыбинский район.

Русский народь военной прошлайц

Измаиль штурмац

Суворов, получамок 1790 кизоня ноябрь 28-це шистон-за приказ Измаиль сивомонц колга, ащесь сонь эздонза 140 километра васта. Но суткада меле ни сон ардсь крепостть стенанзон вакс казак мархта, конач ёмла соткеса усказе полководець сембе имуществанц.

Суворов нийсь инголенза неприступнай турецкий твердыня, конач перяфоль пяхви крепостень стенаса. Кевонь кудонзон, мечетензон, тайня ульциянзон мархта ошсь, кода няевсь, тифоль оборонанди.

Измайла ащесь гарнизон, конач кочкафоль отборнай пехотань целай армияста-янычарста, а тяфта жа конницаста. Крепостти стане и марьговдсть: «Орда-калесси», лижк марьгомс, армейский. Французский и немецкий инженерхнень руководстваснон ала сонь сисем бастиононза укрепленнахтельхть и вооружафтольхть мельдехь техника коряс. Крепостть стенанц уша ширдехь перяфкоц зацесь 7-шка километр, а се-рець сонь 8—11 метра. Крхка лоткть келец, конач сидеста пашкотьшнесь ведьта, пачкотьшнесь 14 метрань крхкалмос. Вальт куваломанза и берякованза ладяфоль 265 орудия. Дунайть берякса Измайли лездсть турецкий флотть боевой кораблянза.

Туркатнень мархта командовась бойхнень эса шаржийф, выдаючай начальникс Айдозли-Мехмет-паша. Измаиль максоманц колга афи арьсекшнесь. Гарнизонти цебарьста содафоль султанть приказон сян колга, што, кода кода сясвась крепостть, сонь живста иляды аралаец путови пиль-пряс или керови пряс.

1790 кизоня ноябрьста Потемкин и Гудович генералхнень командованиенон ала русский войскане де-Рибас адмиралть флотилияц мархта марса тярифнесь сивомс Измаиль, во ащесь сата кодамок сатфкс. Ушедеть якшапне. Кальдявста вооружаф и кизонь шамса шаф русский войскане кирдсть лишениат.

Генералхне, юмафтомок Измаиль сивоманц колга надиямаснон, пуроптеть военной совет и путозь сивомс крепостть осадата войскатнень. Нинге главнокомандующай Потемкинонь разрешенияц получанда инголе войскане кармасть потама.

Однак Измаиль сивоманц пях эрявсь Россияти военнай и политический тевонзон вятемаснон инкса. Сяс Потемкин марьгсь Суворовонди сивомс Измаиль.

И вов сон эвондась крепостть стенанзон малас, конанц, сонь валонзон коряс, ашель фьявок лафц востон. Ардомста ки кувалмос Суворов сонц и сембе китнень ланга кучсеф гонепонзон вельде лоткафнесь и мрдафнесь меки потай русский войскатнень. Сон эстакиге кеподезе Измаиль малас эсь кельгома Фанагорийский гренадерский полков, кучсь ошть шири 150 охотник Апшеронский полкста,

местнай эряйхнень-волонтерхнень эзда, фашина и топлива мархта транспорттнень.

Измаиль малас Суворовонь эвондамац кеподесь войскатнень боевой наступательнай дух. Орудийнай салютса приветствондазь 60 кизонь неутомимай «генералть—впередть», кода сонь лемнесь.

Оцю вийса ушедыхть аноклама штурмас. Суворов Измаиль малас самодонза меле вась часттнень эздакиге лична ванондозень фьянянбес крепостнай бастиоттнень, няеом, кодама вихть синь артиллерийский оснащениясна. Стенатнень ваксста подступнень проверимаснон инкса сон ящесь тейст 100—150 аськолкс васте, лижк марьгомс, ружейнай выстрелонь васте.

Суворов кочкай агентурнай разведка, тянка туркатнень ширес кучсы Овчий сербть. Сонь успешнай действиянза лятфневихть Измаиль штурманц колга турецкий отчетнень эса. Сяка пингть максевихть распоряженияц войскатнень устройстваснон колга: солдаттнень максхть обмундирования, ускхть топлива.

Верондамок войнань эсь знаменитай правиланцы — «дивандафтоме» — «сяськомс», Суворов шашфтозень эсь войсказон крепостть шири 2 километр сяд малав ингольден ащем-вастснон коряс. Войскане нежедсть Измаиль уше ширдехь стенанц ефси малонзон, кружамок сонь пале кругс, конань кафцке пенза токсетъ Дунайти. Ляйт ширде Измайли тись блокада де-Рибасонь русский флотилияц.

Противникъ васькафтоме Суворов марьгонди туркатнень ингольде тиес батареят, няфтемок лама пингс моли осадань аноклама. Афкуе Суворов крепостть каршес тюремат лангс ванц лижк. «Осадаса пингсь аф эряви юмафнемс... — тонафть сон. — Кой-коста блокада, а сембода цебарь открытай штурмась».

Штоба сяконьбес беспокоиндамс туркатнень, максфоль приказ эрь вени максемс ракетань вельде васькафнемань сигналх. Эр сигналда меле туркатне учть штурма. Де-Рибасонь флотилияц марьфоль: тиендемок маневрат Дунайть эзда, шинек-венек вятемс крепостть ланга артиллерийский тол.

Сембе тя шорсесь тевть шарьхкодемс неприятельти и максесь аф виде сведенияц русский войскатнень лувкснон колга. Суворовонь кораблянь экипашнень мархта ульсь 30 тейжанда лама боец, 40 полевой орудиянза и 567 пушкац корабля лангса. Айдозли-Мехмет-пашань ульсь 35 тейжань солдатон, 7—8 тейжаты ломань вооружафтоль эряйхнень эзда и 265 пушкац. Сонь ульсь тяжелей калибрань орудиянза, кодапт ашельхть русский войскатнень. Но турецкий командованиясь русский вийхнень касфнесь нилень крда.

Сембода цебарьста Суворов аноклазень солдатонзон штурмас. Сонь приказонц коряс

туркатнень аф няеви васте ульсь тиф крепостной стенань копия и шувфоль лашма. Тясаветь полководець руководстванц ала тонафнесь войскатне сяськондемс препятствиянень, каннемс и стенатнень латцемс кучемат, вальт штурмовандама и штыкса тюрема.

Суворов сонц няфнесь, кода эряви пользовандамс фашипатнень мархта карафть лашкодемаса, кода кучемс кучемава и вятемс стенать ваксса рукопашнай бой, кода сягондомс штыкса и специальна тя цельса казаконь нюрхьян пикаса.

Штурмада инголе колма суткада инголе Суворов Измаиль гарнизонотцы сёрмадсь тяфта-масёрма:

«Сераскирти, старшинатненьди и сембе обществати: Мон сань войска мархта таза. Прян максомать колга арьсемс максян 24 час—и воля; васьнень выстрелне—аф воля ни; штурмась—кулома».

Измайль гордай комендантоц отвечась заносчивайста и прян няезь:

«Сяда курок Дунайсь лоткай шудемада и менельсь прай модать лангс Измаиль прян максоманц коряс».

Кафцке ширетне анокласть решительнай бойс.

Суворов марьгсь лувомс войскатнень туркатнень ответснон. Тя нинге сяд пях кеподезень солдаттнень воинственной духон. Синь пях мяльсоль бойс, штоба няфтемс заносчивай вракненьди, кодама вии русскаяхнень наступательнай порывса.

Кемоста верондасть солдатне эсь мудрай полководчеснонды. Аф сяд кальдявста верондась Суворов сонц воинзон вийснон и харабростьснон лангс, конатненьди ашельхть кодамовок преградат. Штурмада инголе Суворов ётазень войскатнень и приветствондазь корхнесь тейст:

«Шумбратада, братьят, чуда-богатырьхть, монь сире ягане! Инголе тинь тиендеде чудесат, а тинь эсь приятнеге ётасаст. Минь инголенк задачаньс стаканя. Йотайне мон крепосттькаты—шкайсь лездоза—цебарь, лоткне крхкат, валхне серихть, стенать вельфватрашсье аф комотеви... И сембе сяка сон сивомс эряволь»...

Тейнза инь преданнай солдатне отвечать:

— «Мархот сясвась!»

Декабрь 9-це шистонза Суворов пуроптеть военной совет, коса корхтась:

— Кафксть русскаяхне яцекшнесь Измаиль малас и кафксть синь потаст; таяи, волмонета, лядонды тейнек аньнек сивомс ошсь или куломс. Виде, што сталотне пях оюфот, но кивок аф кирди русский оружиять каршес. Минь виюф тама и верондатама эстейни. Напрасна туркатне стенатнень эшксса лувондсась эсь пряснон безопаснайкс. Минь няфтьсась тейст, што минь воиньке тостонга синь мусазь. Измаиль эзда потамась матольхне ба войсканьконь духон и тиедь ба надеждат туркатненьди и

синь союзникснонды. Кда жаминь сясвась Измаиль—кие кармай кирдема каршезонк? Мон арьсень сивомс тя крепостть или куломс сонь стенанзон вакс...

Сембонь кепотьфтольхть мяльсна, а военной совете тертьфнень эзда сембода младшайсь — Платов казаксь, конанцы, ся пингонь правилатнень коряс, эряволь васьнеке азондомс эсь мялензон, ивадсь. «Штурма!»

Суворов кемоста ашкдотезе и палазе Платовонь, а сяд меле сембе лядкскенге. Сон сатозе эсь целенц, кошардомк сяд курок штурмань ушодома сятненьге, кит аф кунара марьгондсть потамда.

Суворовский приказть-постановления эса обстоятельна, проста и шарьхкодестива ульсь азф, мезе, коса и кинди тиес. Войскатнень максфоль приказ тумс атакас 1790 кизонь декабрь 11-це шистонза колма частста веть ракетань сигнальон коряс. Наступления вятеть войскань колма группат, конат стенатнень вакс шаштомста явондовсь кота колоннава. Колоннась ащесь кафта пилькста: боевойста и резервнайста. Точнайста азонткшнесь колоннаса штурмовой батальоттнень строямань порядоксна, вастсна охотникнень, егерьхнень, рабочайхнень, конат кандеть фашинац и кучемат.

Ульсь азф, кода ётамс заграждениятнень, ляйхнень и стенатнень, няфневсь штурмать технический обеспечениань средстванза. Азонткшнесь походс срхкамонь пингсь, штурмать пингон, уша ширдехь стенать занимац порядк, сяка пингоня ошть лангс тиеви атакать порядк и темпоц, пороховой похаряпнень эзда араламань мератне.

Суворов пуроптозе бойть лангса руководствать эсь кидезонза и пях цебарьста вятезе сонь. Штабть видеса сонь ульсь конницаста подвижной резервац. Штабон ульсь аф пях ою и ащесь сембода опытной ломаньца, конат кочкафтольхть деловой признакснон коряс. Кинге синь ёткстост ашель кайги титулоц и знатнай фамилияц.

Туркатне лазутчикнень и шпиоттнень вельде ингольбиге содасть аноклави штурмать колга.

Сембе сяка Суворов маштсь синь омбоцда васькафтомоц од военной хитростьса. Эсь генеральной мастерствасонза сон вишконтсь атак учсек действия. Тя сатовсь штурманди пингть кочкаманц мархта (вель колма частса) и оригинальнай артиллерийский анокламаса. 24 частонь пингс молись сембе боевой орудиятнень эзда ляцендема, а колма частса веть, мзярда войскатне тусть штурмас, ляцендсть холостой выстрелса. Туркатне ульсь заблужденияса.

А главнайсь: вень тренировка цебарьста аноклаф боецне, конат вихтельхть эсь воинственной наступательнай духснон мархта, действндасть вишкста и решительнайста.

Главнай эрхтемась тиендехь крепостень ся частти, кона нежестькшнесь Дунайти. 1790 кизонь декабрь 11 шистонза колма частса веть ушедсь атакась. Штурмовандайхнень противникъ васьфтезень вииста ляцендехь. Карафнень эса ведсь ульсь лафту пря видева, кучематнень кувалмосна ащесь сата, синь эрявсь сотнемс фья-фкас. Синь кувалмоваст боецне купендсть модань вальт и стенатнень лангс, вятемок рукопашнай бой.

Стрелокне ляцендемаснон мархта панчесть ки штурмовандай колоннатненьди. Уша ширдехь стенать лангса, а сяд меле ёфси крепостть эса ушедсь пях вишке бой. Туркатне ламоксть тиендсть контратакат.

Вииста тюрсь Ласси генералть омбоце русский колоннац, конач ётазе сембода вии Табия редутть и панжезень ортатнень конницац. Дунайть эзда валхф десантне курок сязовь береговой укреплениянень и Табиять. Лездомов фья-фьянди, сембе колоннатне варьхмодематни сязовь Измаиль уша ширдехь стенанзон. Инь цебарьста тюрсь Кутузовонь колоннац, конанцы савсь штурмовандамс Килийский ортатнень ваксста бастионть.

Шобдава 7 частста 11 часте самс молись бой ошеа. Эр кудсь, эрь ульцясь сашендовсь сивомс приступса. Туркатне ламоксть вииста атаковандакшнесь русскаяхнень башка частснон, но суворовский войскатнень фья-фьянди лездомаснон вельде противникъ саворсавор ульсь паньф центратни тапаф.

Суворов макссь приказ сувафтоме ошу 20 легкой пушка и ароптоме ульцятнень картчса. 13-це частти крепостть сляфоль марнек.

Туркатне юмафтьс 33 тейжань шавфста и ранендафста, 10 тейжаты максеть пряс пленц. Русскаяхне юмафтьс 2.037 ломань шавфста и несколько тейжань ранендафоль. Сясфнень трофеясна: 265 орудия, 500 тонна порох, 20.000 ядра, 400 знамя и Измайли кайф турецкий флотть лятксонза.

Мировой военной историять страницанон эзда фьясь—Измаиль штурмац и сивоманц ащи свидетельства русская воитнень высокой качестваснонды. Измаиль штурмац няфтезе сембе мирти, кодама вии наступательнай духсна русская солдаттнень, кодама несокрушимай синь люштамань вийсна.

Героический традициятнень, конат шашфтьс суворовский чуда-богатырьхненьди наступательнай порыв, мольтсынеминь доблестнай Якстерь Армиянке. Воинственной наступательнай духса воспитандави ламамиллоннай советский оц ломань.

Полковникъ Н. Гарнич.

Врид ответ. редакторъ И. БЕЛОВ.